

اتوار 30 جون، 2019

مضمون۔ کرچن سانس

سنہری مستن: پیدائش 1 باب 3، 4 آیتاں

”تے رب نے آکھیا لو ہووے تے لو ہو گئی۔ تے رب نے لونوں چنگا آکھیا۔“

جوابی پڑھائی: یسعیاہ 60 باب 1 توں 4، 19 توں 21 آیتاں

- 1۔ اٹھ منور ہو کیوں جے تیری لو آگئی اے تے رب دا جلال تیرے اُتے ظاہر ہو گیا۔
- 2۔ کیوں جے ویکھ ہنیرا دھرتی اُتے چھا جاوے گا تے تیرگی اُمتاں اُتے پر رب تیرے اُتے طالع ہووے گا تے اوہدا جلال تیرے اُتے نمایاں ہووے گا۔
- 3۔ تے تو ماں تیری لو ول آؤن گیاں تے سلطان تیرے طلوع دی لو وچ چلن گے۔
- 4۔ اپنیاں اکھیاں چک کے چاراں پاسے ویکھ۔ اوہ سارے ای اکٹھے ہندے نیں تے تینے کول آؤندے نیں۔ تیرے پتر دوروں آؤن گے تے تیریاں دھیاں نوں جھولی وچ چک کے لیاؤن گے۔

19- فیر تیری لونہ دے سورج نال ہووے گی نہ چن دے چمکن نال بلکہ رب تیری ہمیشہ دی لوتے تیر رب تیرا جلال ہووے گا۔

20- تیرا سورج کدی نہ ڈھلے گاتے تیرے چن نوں زوال نہ آوے گا کیوں جے تیرا رب تیرا ابدی نور ہووے گاتے تیرے وین دے دن تک جان گے

21- تے تیرے لوک سارے راستباز ہوون گے۔ اوہ ہمیشہ تیکر ملک دے وارث ہوون گے یعنی میری لائی ہوئی ٹاہنی تے میری دستکاری بنن گے تاں جو میرا جلال ظاہر ہووے۔

درسی وعظ

بائبل وچوں

1- یوحنا 1 باب 1 توں 5 آیتاں

1- شروع وچ کلام سی تے کلام رب سی۔

2- ایہہ ای شروع وچ رب دے نال سی۔

3- ساریاں شیواں اوہدے راہیں جمیاں تے جو کجھ جمیا اوہدے وچوں کوئی شے وی اوہدے بغیر نہ جمی۔

4- اوہدے وچ حیاتی سی تے وہ حیاتی بندیاں دانور سی۔

5- تے لوہنیرے وچ چمکدی اے تے ہنیرے نے اوہنوں قبول نہ کیتا۔

## 2- 119 زبور، 18 آیت

18- میریاں اکھیاں کھول دے تاں جو میں تیری شریعت دے عجیب کم ویکھاں۔

## 3- 36 زبور، 5 توں 9 آیتاں

5- اے ربا! اسمان وچ تیری شفقت اے۔ تیری وفاداری فلک تیکر اچی اے۔

6- تیری سچائی رب دے پہاڑاں وانگر اے تیرے حکم بوہت ڈوہنگے نیں۔ اے ربا! تو انسان تے جانور دونوں نوں محفوظ رکھد ایں۔

7- اے ربا! تیری شفقت کنسی قیمتی اے۔ بنی آدم تیریاں بانہواں دے پرچھانویں وچ پناہ لیندے نیں۔

8- اوہ تیرے گھر دیاں نعمتاں توں بوہت رجھن گے۔ تو اوہناں نوں اپنی خوشی دے دریاوچوں پلانویں گا۔

9- کیوں جے حیاتی دا چشمہ تیرے کول اے۔ تیرے نور دے پاروں اسی لو ویکھاں گے۔

## 4- متی 8 باب 5 توں 10، 13 آیتاں

5- تے جدوں اوہ کفر نجوم وچ وڑھیا تے اک صوبہ دار اوہدے کول آیا تے اوہدی منت کر کے آکھیا۔

6- اے ربا میرانو کر فاج داما ریا ہو نیا گھر وچ پیا اے تے بوہت تکلیف وچ اے۔

7- اوہنے اوہنوں آکھیا میں آکے اوہنوں شفا دینواں گا۔

8- صوبے دار نے جواب وچ آکھیا اے ربا میں ایس لائق نہیں پی توں میری چھت بیٹھاں آنویں بلکہ توں بس منہوں آکھدے تے میرانو کر شفا پا لوگا۔

9- کیوں جے میں وی دو جے دے اختیار وچ آں تے سپائی میرے بیٹھاں نہیں تے جدوں اک نوں آکھدا واں پئی جاتے اوہ جاندا اے تے دو جے نوں آکھدا پئی توں آتے اوہ آؤندا اے تے اپنے نوں آکھدا پئی توں ایہہ کرتے اوہ کردا اے۔

10- یسوع ایہہ سُن کے حیران ہو نیا تے مگر آؤن والیاں نوں آکھیا میں تہانوں سچ آکھدا آں پئی میں اسرائیل وچ وی ایچ دا ایمان نہیں ویکھیا۔

13- تے یسوع نے صوبے دار نوں آکھیا پئی جاجیویں توں ایمان رکھیا اے تیرے لئی اونج ای ہووے تے اوہ ویلے نوں کرنے شفا پالئی۔

## 5- یوحنا 3 باب 16 توں 21 آیتاں

16- کیوں بے رب نے جگ نال اجیہا پیار رکھیا پئی اوہنے اپنا کلا کلا پتر دے چھڈیا تاں جو جیہڑا وی اوہدے اُتے ایمان لیاوے مرے نہ بلکہ ہمیشہ دی حیاتی پاوے۔

17- کیوں بے رب نے پتر نوں جگ وچ ایس لئی ننیں گھلایا پئی جگ اُتے سزاد اکھم دیوے بلکہ ایس لئی پئی جگ اوہدے راہیں ملتی پاوے۔

18- جیہڑا اوہدے اُتے ایمان رکھدا اے اوہدے اُتے سزاد اکھم ننیں ہندا۔ جیہڑا اوہدے اُتے ایمان ننیں رکھدا اوہدے اُتے سزاد اکھم ہو چکیا اے۔ ایس لئی پئی اوہ رب دے ککے پتر دے ناں اُتے ایمان ننیں لیا یا۔

19- تے سزادے حکم دی وجہ ایہہ اے پئی نور جگ وچ آیا اے تے بندیاں نے ہنیرے نوں لوتوں بوہتا پسند کیتا۔ ایس لئی پئی اوہناں دے کم بھیڑے سی۔

20- کیوں بے جیہڑا بدی کردا اے اوہ لوناں ویر رکھدا اے تے لودے کول ننیں آؤندا۔ ایہہ نہ ہووے پئی اوہدے کماں اُتے ملامت کیتی جاوے۔

21- پر جیہڑا سچیاں اُتے عمل کردا اے اوہ لودے کول آؤندا اے یاں جو اوہدے کم ظاہر ہوون پئی اوہ رب وچ کیتے گئے نیں۔

## 6- یوحنا 8 باب 12 آیت

12- یسوع نے فیر اوہناں نال مخاطب ہو کے آکھیا پئی جگ دی لو میں آں۔ جیہڑا میرے مگر ٹرے گا اوہ ہنیرے وچ نہ چلے گا بلکہ حیاتی دی لو پاوے گا۔

## 7- یوحنا 14 باب 12 توں 18 آیتاں

- 12- میں تہانوں سچ آکھدا آں پئی جیہڑا میرے اُتے ایمان رکھدا اے ایہہ کم جیہڑے میں کردا آں اوہ وہ کرے گا بلکہ ایہناں توں وی وڈھے کم کرے گا۔ کیوں جے میں پوکول جاناں واں۔
- 13- تے جو کجھ تسی میرے ناں توں چاہو وگے میں اوہ ای کر اں گاتاں جو پوپتروچ جلال پاوے۔
- 14- جے میرے ناں نال میتھوں منگو گے تے میں اوہ ای کر اں گا۔
- 15- جے تسی میرے نال پیار کردے اوتے میرے حکماں اُتے چلو۔
- 16- تے میں پیو توں منتہ کر اں گا پئی اوہ تہانوں دو جامدگار دیوے تاں جو اوہ تہاڈے نال رہوے۔
- 17- یعنی سچیاں داروہ جنہوں جگ حاصل نہیں کر سکد کیوں جے نہ اوہناں دیکھدا اے تے نہ جاندا اے۔ تسی اوہنوں جان دے اوہ کیوں جے اوہ تہاڈے نال رہندا اے تے تہاڈے اندر رہوے گا۔
- 18- میں تہانوں یتیم نہیں چھڈاں گا۔ میں تہاڈے کول آناں گا۔

## 8- مکاشفہ 1 باب 1 (توں؛ آیت)

- 1- یسوع مسیح دما مکاشفہ جیہڑا اوہنوں رب ولوں ایس لئی ظاہر ہوئی پئی اپنے بندیاں نوں اوہ گلاں وکھاوے جنہاں دا چھیتی ہونا ضروری اے۔

## 9- مکاشفہ 21 باب 1 توں 4 آیتاں

21- فیر میں اک نواں اسمان تے نویں دھرتی نوں دیکھیا کیوں جے پہلا اسمان تے پہلی دھرتی جاندى رہی سی تے سمندر وی نئیں سی رہیا۔

22- فیر میں پاک شہر نویں یروشلیم نوں اسمان اتوں رب دے کول اتر دیاں دیکھیا تے اوہ اوس و وہٹی وانگر سجیا ہو گیا سی جسے اپنے بندے لئی شنگھار کیتا ہووے۔

23- فیر میں تخت وچوں کسے نوں اچی آواز نال ایہہ کہندیاں سنیا پئی ویکھ رب دا خیمہ بندیاں دے وچکاراے تے وہ اوہناں نال سکونت کرے گا تے اوہ وہدے لوک ہوں گے تے رب آپ اوہناں دے نال رہوے گا تے اوہناں دارب ہووے گا۔

24- تے اوہ اوہناں دیاں اکھیاں دے سارے اتھر و پونجھ دیوے گا۔ ایہدے بعد نہ موت رہوے گی نہ وین رہوے گا۔ پہلیاں شیواں جاندىاں رہناں۔

## 10- مکاشفہ 22 باب 16، 17 آیتاں

16- میں یسوع نے اپنا فرشتہ ایس لئی گھلیا پئی کلیسیا نوں دے بارے تہاڈے اگے ایہناں گلاں دی گواہی دیوے۔ میں داؤد دی اصل تے نسل تے صخ دا چمکد اتاراواں۔

17- تے روح تے وہہٹی آکھدی اے آ، تے سنن والا بھی آکھے آ۔ تے جیہڑا ترنیا ہووے اوہ آوے تے جیہڑا چاہوے حیاتی دا پانی مفت لوے۔

## سائنس تے صحت

### 1- 1:554 (کرچن) -4

--- کرچن سائنس ایہہ ظاہر کردی اے جیہڑا ”اکھ نے نئیں ویکھیا“، ایہتھے تیکر جو کجھ وجود اے اوہدی وجہ نوں وی۔ کیوں جے سنسار، انسان نوں شامل کرکے، اوہناں ای ابدی اے جنہاں رب اے، جیہڑا ایہد الہی لافانی اصول اے۔

### 2- 4:27:510

لوسیان، حیاتی، سچائی تے پیار دی نشانی اے نہ کہ مادے دے اثاثیاں وچ روح پھونکن دی۔ سائنس بس اک سیان نوں ظاہر کردی اے تے ایہہ اپنے آپ دی لونال منور ہندییاں ہوئے سنسار اُتے، انسان نوں شامل کرکے، حکومت کردیاں ہوئے کامل ہم آہنگی رکھدا اے۔ ایہہ سیان خیالاں تے اپنیاں تصویراں نوں بناؤندی، وہناں دی اُدھار لئی ہوئی لوتے ذہنت دی ہو ریٹھاں ونڈ کردی تے اوہناں نوں روشن کردی اے، تے ایہ کلام دے ایس فقرے نوں واضح کردی اے پئی، ”جیہڑے اپنے آپ وچ ای پیچ رکھن۔“



## 3- 26-23:313

یسوع ناصری جگ وچ پیر رکھن والا سب توں بوہتا سائنسی بندہ سی۔ اوہنے مادی شیواں دے میٹھاں غوطہ لایاتے  
روحانی وجہ نوں لبھیا۔

## 4- 11-32،10-315:6

اوہ بس اک سیان نوں جان داسی تے کسے دوجے اُتے اوہنے کوئی دعویٰ نہیں کیتا۔ اوہ جان داسی پئی اناسیان سی نہ کہ بدن  
سی تے ایہہ پئی مادا، پاپ تے بدی سیان نہیں سی؛ تے الہی سائنس دی ایہہ سمجھ اوہدے اُتے زمانے دی بھٹکار لیاؤن دی  
وجہ بنی۔

الہی سائنس دا وتیرہ واضح کردیاں تے ظاہر کردیاں ہوئے، اوہ اوہناں ساریاں لئی مکتی دی راہ بن گیا جنہاں نے اوہدا کلام  
قبول کیتا۔ اوہدے توں ای انسان ایہہ سکھ سکدے نیں پئی بدی توں کیویں بچیا جاوے۔ انسان دی اصل ہستی اوہنوں  
بناؤن والے نال جڑی اے، اوس مسیح نوں، جیہڑا اصلی انسان اے تے رب دے نال نال اوہدے تعلق نوں حاصل  
کرن تے الہی فرزند لئی انسان نوں پاپ توں دور رہن تے فانی خودی توں اکھیاں پھیرن دی لوڑ اے۔ مسیح، سچائی  
یسوع دے راہیں ظاہر کیتا گیا تاں جو بدن اُتے روح دی قوت نوں ثابت کرے، تے ایہہ دکھاؤن لئی پئی بیماری توں شفا  
دیندیاں ہوئے تے پاپ نوں نیست کردیاں ہوئے، سچائی دا اظہار انسان دی سیان تے بدل اُتے ایہدے اثراں دے  
پاروں ہندا اے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی  
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیاں۔

## 5- 14-107:1

سن 1866ء وچ، میں کر سچن سائنس یا حیاتی، سچائی تے پیار دے الہی قانوناں نوں لبھیاتے اپنی ایس تلاش نوں کر سچن سائنس دانان دتا۔ رب بوہت شاندار طریقے نال مینوں سائنسی ذہنی شفا دے پورے الہی اصول دے ایس اخیری مکشفے دے استقبالیے لئی تیار کر ہیا اے۔

ایہہ صریحی اصول اعمانوئیل، ”رب ساڈے نال اے“، ہمیشہ دے حاکم، دے مکشفے ول اشارہ کر دالے، آدم دے پتر نوں ہر اوس بیماری توں آزاد کر دیاں ہوئے ”جیہڑا بدن دی میراث اے“۔ کر سچن سائنس دے راہیں، مذہب تے دوائی الہی فطرت تے جوہر دے نال الہامی بنائے جان دے نیں، ایمان تے سمجھ نوں پر دتے جان دے نیں، تے خیال سیان دے نال اپنے آپ نوں رب دے نال جوڑ دے نیں۔

## 6- 31-293:28

کر سچن سائنس سچائی تے ایس دی وڈیائی، عالمگیر ہم آہنگی، رب، چنگیائی دی کلیت تے بدی دے عدم نوں لو وچ لیاؤندی اے۔

## 7- 14-504:12 (ایہتھے)

۔۔۔ ایئج دی کوئی تھان نئیں اے جتھے رب دی لونئیں ویکھی جانندی، کیوں جے سچییائی، حیاتی تے پیار کثرت نوں بھر دے تے ہمیشہ توں نہیں۔

8 - 25-22:10

شفاد الہی اصول کسے وی سچییائی نوں لبھن والے دے ذاتی تجربے نال ثابت ہندا اے۔ ایہدا مقصد چنگا اے، تے ایہدی مشق کسے وی دو جے صفائی دے طریقے توں محفوظ تے بوہتا طاقتور اے۔

9 - 21-9:11

کرچن سائنس دی بدنی شفاد الہی اصول دے کم نال ہن، یسوع دے زمانے وانگر، سامنے آؤندی اے، جیدے توں پہلاں پاپ تے بیماری انسانی سمجھ وچ اپنی اصلیت گوا دیندے نیں تے ایئج فطری تے لازمی طور تے غائب ہو جاندا ہے۔ نیں جیویں، ہنیر الو نون تے پاپ درستگی نوں تھان دیندے نیں۔ اوس ویلے وانگر، ہن وی ایہہ وڈھے کم مانفوق الفطری نئیں بلکہ فطری نیں۔ ایہہ اعمانوئیل، یا ”رب ساڈے نال اے“، دانشان نیں، اک الہی اثر جیہڑا انسانی سمجھ وچ موجود اے تے اپنے آپ نوں دوہرا اندیاں ہوئے، ہن آ رہیا اے، جیویں ماضی وچ ایہدا وعدہ کیتا گیا سی پئی،

(سمجھ دے) قیدیاں نورہائی

تے انھیاں نوں بینائی پاؤن دی خبر دین لئی  
تے کچلے ہوئیاں نوں آزاد کرن لئی

10- 6-32:323

اک نکلے بچے وانگر بن دی تاہنگ تے نوں سوچ لئی پرانی نوں چھڈنا ایسدا دانش نوں پیدا کر دالے جیہڑی نوں نظریے  
نوں قبول کرن والی ہووے۔ غلط نشانیاں نوں چھڈن دی خوشی تے اوہناں نوں غائب ہندیوں دیکھن دی خوشی، ایہہ  
صلاح ساری ہم آہنگی نوں تیزی نال پورا کرن وچ مدد دیندی اے۔ سمجھ تے اپنے آپ دی پاکیزگی ترقی دا ثبوت اے۔  
”دھن نیں اوہ جیہڑے پاکدل نیں؛ کیوں جے اوہ رب نوں دیکھن گے۔“

11- 22-19:572

مکاشفہ 21 باب 1 آیت وچ اسی پڑھدے آں:

فیر میں نواں اسمان تے نوں دھرتی نوں دیکھیا کیوں جے پہلا اسمان تے پہلی دھرتی  
حباندی رہئی سی تے سمندر وی نہ رہیا۔

## 12- 2-573:3

انکشاف کرن والا ساڈی وجودت دی تھاں اُتے سی، جد کہ اوہ ویکھدیاں ہوئے جو اکھ نئیں ویکھ سکدی، جو غیر الہامی سوچ لئی غیر حاضر اے۔ پاک لکھائی دی ایہہ گوائی سائنس دی ایس اصلیت نوں قائم رکھدی اے، پئی اسمان تے دھرتی اک انسانی سمجھ، یعنی اوہ سمجھ جیہڑی رب دیندا اے، اوہدے لئی روحانی اے، جد کہ دوجی سمجھ، غیر روشن انسان دی سیان، لئی بصیرت مادی اے۔ بیشک ایہہ ظاہر کردا اے پئی جیویں انسانی سیان مادے تے روح دی اصطلاح دیندی اے تے اوہ سمجھ دے مرحلیاں تے حالتاں وچ اشارہ کردی اے۔

ایس سائنسی سمجھ دے نال اک ہو ر مکاشفہ سی، ایہتھے تیکر پئی اسمان ولوں اعلان، اُچی ہم آہنگی، پئی رب، ہم آہنگی دا الہی اصول، ہمیشہ انسان دے نال اے تے اوہ وہدے لوک نیں۔ ایس لئی انسان نوں ہو ر رحم دے قابل پاپی نئیں سمجھیا گیا بلکہ رب دابرکت والا پتر سمجھیا گیا۔ کیوں؟ کیوں جے اسمان تے دھرتی دے بارے مقدس یوحنا دی بدنی حس غائب ہو گئی سی، تے ایس جھوٹی حس دی تھاں روحانی حس آگئی سی، جیہڑی اجیہی نفسی حالت سی جیدے پاروں اوہ نویں اسمان تے نویں دھرتی نوں ویکھ سکد اسی، جیدے وچ روحانی خیال تے اصلیت دی سمجھ شامل اے۔ کلام دا ایہہ اختیار ایس نتیجے نوں لیان لئی سی پئی ہستی دی اجیہی پچھان ایس وجودیت دی ہن والی حالت وچ انسان لئی ممکن ہے تے ممکن رہی سی، پئی اسی موت، ڈکھ تے درد دے آرام نال ایہتھے تے ہنہ باخبر ہو سکدے آں۔ ایہہ ساری کرچن سائنس دی مٹھاس اے۔ برداشت کرن والے پیاریو! حوصلہ رکھو، کیوں جے ہستی دی ایہہ اصلیت یقینا کدی نہ کدی کسے نہ کسے شکل وچ سامنے آوے گی۔ کوئی پیڑ نہ ہووے گی تے سارے اتھر و پونجھ دتے جان گے۔ جدوں تسی ایہہ پڑھو تے یسوع دے ایہناں لفظاں نوں یاد رکھو، ”رب دی بادشاہی تہاڈے وچکار اے۔“ ایسے لئی ایہہ روحانی سمجھ ہن والا امکان اے۔

## روزانہ دے فرض

میری بیکراڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوسیل، آرٹیکل VIII، سیکشن 4۔

### مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیجی سائنسدان پاپ نوں رد کر دیاں ہوئے، سنجی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوسیل، آرٹیکل VIII، سیکشن 1۔

## فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ انصاف ہووے گا، اوہ بے قصور یا قصور وار ہووے گا۔

چرچ مینوسیل، آرٹیکل VIII، سیکشن 6۔